

¡BOMBA!

Siguen promesas enormes,
sobre encontrar a estudiantes;
seguimos igual que antes
de molestos e inconformes



K'intsil

Edición de fin de semana, del viernes 26 al domingo 28 de agosto de 2025

CAMPECHE · YUCATÁN · QUINTANA ROO · AÑO 11 · NÚMERO 2572 · www.lajornadamaya.mx

ÁAK

KU MÁAN CHUKBIL YÓOK'OLAL U SÓOL PAACH YÉETEL U BAK'

Ya'ab u máan chukbil tumen wíinik, tumen beey suukchaj ikil u k'a'abéetkunsal u sóol ti'al u pa'axal, ts'o'oke' u bak'ele' ku jaanta'al. U k'aaba' ich káastelan t'aane', *tortuga de candado*.

U científico k'aaba' áake', *Kinosternon Cruentatum*, kaja'an tu'ux yaan aak'alo'ob wa humedales ti' u lu'umil Kaanpech, Chiapas, Tabasco yéetel Veracruz. Tu k'áaxil Área

de Protección de Flora y Fauna "Laguna de Términos", chan nonoj u yila'ali'.

Áake' ku p'isik ichil 10 tak 12 centímetros. U xch'uupulile' maas nojoch ti' u xiibil, tu ya'alaj Jacqueline May Díaz, máax ku meyaj ti' u múuch'kabil Desarrollo y Medio Ambiente, A.C.

Tu ya'alaj u sóol paache' k'as chak boox, ba'ale' yaan u chakil u yich, u kaal yéetel u yook. U

yiche' láayli' xan beey u boonil. U neje' samal boox yéetel yaan jump'eel u yíich'ak tu punta.

U sóol paache' maas ma' sop'okbal wa ku ke'etel yéetel uti'al uláak' áako'ob. U poole' de triangular, yéetel u kama'ache' mina'an u boonil.

"Ojéela'ane', kaja'an ich ja'ob ma' jach taamtako'obi'. Ku jaantik bak', beyxan ik'elo'ob, moluscos, kimen kayo'ob yéetel

xíiwo'ob. Ti'al yáax k'iine' ku mukikubáaj ich luuk'".

Jbiólogo Fermín Chaidez Ochoae', ku ya'alik áak candadoe' kaja'an tu'ux ja'e' ma' chich u yáalkabi', je'ex tu'ux akakbal ja', tanqueob wa tu'ux buulul. Ku kaxtik tu'ux síis óol yéetel éek'jolch'e'en.

"Áake' ku jóok'ol u kaxt u yo'och de ja'atskab k'iin, beyxan keen síisak"; tu ya'alaj.

